

六
七言古

七
五言律

八
五言律

皇明詩選

六之八



皇明詩選卷之六

李 雯舒 考早 

雲間陳子龍臥子氏同撰

宋徵輿轅文氏

七言古詩二

薛蕙 再見

龍虎山歌送范同年汝和

豫章之東龍虎山南斗垂耀當天關祝融廬霍

引襟帶三江九派奔廻還山盤水曲入仙城疊

巘層崖上紫清。中天日月炤樓閣。二十四巖金
碧明。巖室洞房烟霧裏。玉戶金牕宛相似。丹井
深通滄海潮。翠屏倒挂天河水。翠屏錦壁百千
迴。綠岫青岑宮殿開。羽人龍駕去不返。仙吏仍
飛雙鳥來。雙鳥朝天還帝鄉。飛來飛去名山傍。
仙嶠雲霞長不改。天壇花藥依然在。却向山中
寄紫書。故人闕下遙相待。

舒章曰。七言古非君采所長。蓋莊嚴而不流宕也。此作少勝。故錄之。

楊

慎

再見

離席行送彭二

昔子從軍巴蜀山。橫戈千里何間關。坐使麒麟
日月煥。行收魚鳥風雲閑。文武才名歸一姓。兄
弟勲華許誰並。並起晚已謝時運。傾當陽再覩乾
坤正。陟岡在原來。復返海水天。風歲將晚行。行
白馬。燕雪深。飛飛黃鵠秦雲遠。離堂命酒羽觴
疾。畢昂盈軒月。東出主人畱。連客離席慷慨爲
子歌。今夕。

韓文曰。後半古調。逸舉結勢更矯。

寄張季文

美人別我歲幾華。碧草五見生天涯。東風東來
飄錦字。忽如青天披雲霞。往年君向秣陵去。海
夢橫分溧陽樹。今年君自滇池還。風光又隔點
蒼山。佳期不得同攜手。惆悵令人青鬢斑。

臥子曰賦詞不

多逸典翻舉

韓文曰太

白雲仍

錦津舟中對酒別劉善充

錦江烟水星橋渡。惜別愁攀江上樹。青青楊柳

故鄉遙渺渺。征人大荒去。蘇府匈奴十九年。誰

傳書扎上林邊。北風胡馬南枝鳥。腸斷當筵蜀

國絃。

舒章曰惜別之

詞最為深健

賦得千山紅樹圖送楊茂之

蕭郎雅工金碧畫。愛畫碧鷄與金馬。畫作千山

紅樹圖。行色秋光兩瀟灑。酒搖落深知宋玉悲。登

山臨水送將歸。丹林初曉清霜重。紫谷斜陽赤

燒微。故人辭我故鄉去。滇樹遙遙接巴樹。桑落

他山共醉時。楓香客路銷。竟處白首遐。荒老未
還流。波落木。慘離顏。錦城紅花那能見。千里隨
君夢裡攀。

舒章曰音節最佳

韓文曰中有直用古語亦見老致

左國璣

字舜齊大梁人正德時舉人

韓文曰左君跌宕亦未成家

楚堂錢陳子之南都

我從夷門來。送君金陵去。楚館離筵春晝晴。楊

花茫茫幾千樹。風吹亂撲金尊。飛行人且解碧

羅衣。鳴箏送酒。勸君醉。明日出門知者希。

屠應峻

字文升平湖人嘉靖丙戌進士官至諭德

臥子曰屠公典麗流暢亦足名家

舒章曰文升風姿閒麗如玉樹風前是戶庭佳物

太乙壇歌

太乙壇高凌紫氛。宮中夜夜延神君。金盤千尺

瀉朱露。莖臺五色飛龍雲。撞鐘鳴鼓邀百祥。回

旌駐蹕瞻景光。石檢親封綠文闕。河圖著紀赤

符昌九華燈明列星爛八變樂終萬靈見至尊
端笏禮中天北斗垂苾指前殿皇皇圭璧奠甘
泉奕奕樓居通列仙侍祀獨有東方朔登歌新
協李延年白茅授冊侯五利青鳥銜書作前使
貝闕徘徊河漢沉絳節繽紛王母至武皇北面
來相迎稽首至道聞要精能驅三尸鍊五魄可
以閱世爲長生帝聞斯言再拜受宴罷言歸樂
無有祈年何必汾水陰無爲自享南山壽

臥子曰諷詞典
厚有揚馬之風

華不乏秀句

韓文曰亦太襲李頎
取其有爽勁之氣耳

歌風臺

漢皇昔日還沛中四海爲家憶故宮沛中父老
獻牛酒爭識當時隆準公咸陽宮中鹿爲馬苾
碭山上雲成龍子弟遞進鳴歌鍾酒半泱泱歌
大風湯沐之邑恩澤隆千秋萬歲樂無窮人生
悲樂須臾改猛士之思復誰在韓彭已醢英布
誅遺令猶令檻樊噲古來豪傑總堪悲沛水東

流西日微歲歲山川猶故色風雲不向沛宮飛

臥子曰稍落議

論未傷俊朗

轅文曰猶有初唐

之調故可有耳

王省曾

字勉之吳縣人嘉靖初舉人所著有五嶽集

轅文曰勉之志在範古而其才甚薄故合作寥寥

廬山吟

我聞匡廬山西峙宮亭湖少讀神禹經昔為天

子都背岷南來幾千里巍峯秀出名香鑪石鏡

孤圓炤閭闔屏風九疊開蓬壺盤霞錯日氣燿

燦天雞紫鳳鳴相呼匡君騰遊太清境空留碧

漢青山影冬春不斷霜雪光晝夜嘗看二輪景

天池猶餘慧遠方蓮花苑種仙人杏長風自昔

吹二龍明月當時炤三隱予也縈懷十餘年披

圖蕭爽心冷然行當騎鹿芙蓉頂長嘯支磯玉

女前

唐順之

字應德武進人嘉靖己丑進士累官巡撫都御史

臥子曰應德氣象爽邁才情駿發使能深造當有超乘其後馳騫功名詭託講

學遂類然自放

從軍行

匈奴十萬入雲中，烽火照耀甘泉宮。戰士三春
不解甲，天王一怒欲臨戎。追奔盡逐流星騎，併
力齊分明月弓。虜氣憑陵恒候月，漢兵超忽若
乘風。已聞舊戍黃花口，復道新屯細柳中。飛沙
颯沓迷亭障，組練繽紛皆北向。赤羽朝徵六郡
材，白茅夜拜五丁將。呂郎磊落似劉生，許國從
來氣不平。匣裏雄韜藏豹變，腰間寶劍作龍鳴。
敕散萬金收猛士，身騎匹馬出長城。雁行暗結

遊西陣，魚貫晴開海上營。誓同魯仲能飛箭，豈
學終軍漫請纓。建節行行通大漠，檄書馬上時
能作瀚海雲。連太白高燕然雪，炤旄頭落知君
意氣坐相邀。直教一戰虜塵消，歸來奏凱獻天
子。功名絕勝漢嫫姚。

韓文曰不失
初唐格律

許應元

字子春錢塘人嘉靖
壬辰進士官至別使

萬縣岑公洞作
赤日欲行且復留，縣宰開我城南游。輕風棹謳

絕江水咫尺便涉方壺丘。藤溪竹徑何歷巖石
室巖扉忽森瑟。乳泉滴瀝朝出雲。琪樹龍蔥晝
含日。前簷漚漚瀟窺邑。井決波淪沔浴奔景。花嶼
晴栖巫峽烟。笙臺暝接青城嶺。余悲城市不可
住。日暮猿啼復當去。淹留追隣山鬼宅。彷彿安
知羽人處。蓬萊方丈信依微。湖上青山待拂衣。
明發還應率簿領。巖前只有白雲飛。

韓文曰境

象森穩

皇甫湜 再見

霸橋歌送大梁郭僉憲

咸陽城東霸橋水。芳草乍拂春風起。秦官霸水
行人淚。遙見驪山夕陽紫。臺中使君跨孤鞍。梟
梟逸旆星霜乾。我筵短亭掃楓葉。仰頭白日明
長安。國賓之子陳留彥。少年謁帝承明殿。古調
文華奪流輩。錦袍玉質時人羨。王門齊舉萬年
觴。綵衣自識仙郎面。陽春白雪梁園客。上元燈
火岐陽宴。高堂二月別酒新。得意如君誰與倫。
平沙走馬凌雲氣。花枝遙遙車入秦。倘因橋上

皇明詩選 卷之六
垂楊發幸憶當年送別人

舒章曰結處西語快心生色

淮上 川舊僚同張地官明厓

吳山人河岳集駐鶴亭醉後感述贈水

部一首并簡貽張吳二君

不見故人三載餘况復經年無尺書感君膠漆

心尚爾問我顏鬢今何如憶昨同官在河墅背

負青天見毛羽投跡誰招放逐竟壯心不道風

塵苦繫纜祠陰一遇君清尊江上念離羣衣裳

欲逼梁苑雪戶牖却吐瀟湘雲吏隱雖殊氣相

若山人屢諷烟霞作當筵自信同襟期勝遊更

盡新知樂酒酣欲別仍徘徊眼前感激令心哀

醉呼山人情勿猜與爾長歌歸去來

臥子曰寫情之作意盡而止

李攀龍

三見

臥子曰于鱗七言古實源李頎而雄整過之

舒章曰才氣過頎而學頎故有其俊邁而無其輕淺

送新喻李明府伯承

爾昔紅顏客。薊門獻書不報哀。王孫一朝致身
青雲裏。座上還開北海樽。余亦題詩郭隗臺。燕
山秋色對銜杯。論交共惜黃金盡。此處空悲駿
馬來。可憐郢曲今亡久。下里之歌吾何有。文章
稍近五千言。雅頌以還十九首。才子新傳白雪
篇。江城忽借使君賢。那堪西署爲郎者。多病離
居臥日邊。

舒章日喜

無冗句

轅文曰當時雅重

伯承其詩實不穉

送張子參募兵真定諸郡

薊門管在胡塵中。匈奴火炤西山紅。瓊廬相望
赤縣隘。腥羶未厭神畿空。君王拊髀過郎署。侍
臣扼腕談邊功。每飯不忘鉅鹿戰。千金先發華
陽宮。邯鄲少年游俠子。腰間七首懸秋水。出身
願屬羽林兒。橫行誓奪單于壘。騰裝夜別縱博
場。貰酒朝辭挾瑟伎。馬上風雲八陣成。帳前鼓
角三軍起。故人新貴寵軒墀。亂後高名衆始知。
國士漸看投筆至。主恩况許請纓爲。天寒恒

嶽倚長劍。雪滿滹沱。擁大旗。歸來漢苑生春草。
見爾論兵散幕遲。

賦得金谷園障子

誰將金谷傳毫素。座上無人不同顧。乍展旋驚
澗水流。纔開已識河陽路。四壁真看片錦圍。中
庭如見雙鬟度。移席休臨墜妓樓。解衣欲掛沙
裳樹。彷彿明妃出塞吟。聽來未必梁塵誤。詩成
酌我我豈辭。便過三斗無論數。綠珠安在恰當
壚。似留且往勢可呼。意慘崑崙紫窳窳。色寒滄
海紅珊瑚。君家富貴合如此。此時那知有障子。
縱然客散掩空堂。猶聞夜夜春風起。

臥子曰起甚徑
捷結有餘姿

送趙員外行邊

狐白之裘紫駟馬。鳴鞭東走漁陽野。自言天
子授長纓。明光殿前三使者。飛檄遠度桃花山。
昨日遼西較戰還。吹律春風回黍谷。揚旌暮雪
灑榆關。關門一望烟塵色。抵掌志馳伊吾北。豈
獨秦人重繞朝。誓令羌虜避充國。此行不按督

亢圖欲畫地形取匈奴。指揮千障鐵如意。出入
雙鞬金僕姑。驃騎將軍綠沈甲。鷄鳩大夫黃石
法。積裹兵屯種玉田。雲邊燧起彈琴峽。元戎幕
府贈吳鈞。太守離歌岐麥秋。看君歸奏稱上意。
何足道哉萬戶侯。

轅文曰。轆綺二語。句法健實。

舒章曰。旌旗翼翼。金鐵皆鳴。

賦得狼居胥山送李侍御

官十萬絕大幕。踰河一戰胡兒却。夜縱翼兵

襲章渠。繫以往封狼居胥。姑衍山頭。列旗鼓中
壇。擁纛陳首虜。帳前面縛三當戶。驃將軍醉
歌舞。北風千壑雲摧頽。瀚海波濤蹴日迴。漢家
天子雄才哉。捷書親發柏梁臺。君持繡斧五原
郡。牧馬單于不敢問。黃沙白草寒冥冥。今年爲
王犁二庭。

送謝茂秦

孝宗以來多大雅。布衣往往稱作者。謝家玉樹
操郢音。其曲彌高和彌寡。寓梁曾曳王門裾。遊

燕欲薦中涓馬。豈無冠蓋映當時。滿眼悠悠世上兒。文章千載一知己。交結何須鍾子期。此物有神兼有分。富貴浮雲不與之。盧楠坐銜越石恩。醉後感激肝膽言。蒼鷹睚眦鸚鵡賦。身挂羅網何由飜。殷憂楚奏秦庭哭。遂雪黎陽國士冤。歸去東將釣滄海。安能貧賤嘗丘樊。早借江鴻報消息。或臥春雲且故園。

臥子曰李謝意氣如此何以不終
寄章曰堂堂而來氣滿心暢

送公實還南海

梁生偃蹇誰與倫。梁生偃蹇無與倫。為郎十月不厭意。上書乞歸南海濱。文章往往迥時好。富貴安得嬰其身。獨存肝膽論交者。一一凌雲作賦人。憶昨擊筑飲燕市。酒酣以往氣益振。黃金之臺空嶙峋。華陽之館摧為薪。駒駉耳俱良馬。劍客博徒皆俊民。梁生徐生情最親。宗生王生詩更新。經過但坐歌白雪。罷曲彷徨若有神。揮毫夜夜搖星辰。襟期矯矯何能馴。梁生此事

皇明詩選 卷之六
成萬古。欲別牽裳遂具陳。羅浮之山何崔嵬。下
臨莽蒼波濤開。維舟跋浪長鯨出。倚杖垂天大
鳥來。北望中原寥廓哉。飛厓坐攬百粵色。羣峯
黝渺行風雷。梁生之廬構烟霧。千尋薜荔青摧
頹。有時高咏反招隱。巖壑無人秋雨哀。尉佗椎
結本趙俠。陸賈縱橫亦漢才。丈夫有道在龍夔。
還能與世相裴徊。梁生何爲終蒿萊。梁生慎勿
終蒿萊。

舒章曰起結亦本子
美中間敘致輕矯

韓文曰雜而不
亂在李杜之間

楊山人

千。筐。湖。綿。白。雪。開。滿。江。稻。色。黃。雲。來。山。中。客。醉
領。其。頽。自。言。七。十。巖。耕。者。帝。於。我。有。何。力。哉。

舒章曰起二語
是風土作境

送永寧許使君

邢。州。十。月。凋。白。楊。城。頭。出。雲。垂。太。行。把。酒。相。看
日。欲。墮。五。馬。踟。躕。大。道。傍。問。君。胡。爲。萬。里。去。小
臣。罪。合。投。窮。荒。我。聞。西。南。羅。施。國。風。氣。鬱。塞。殊

陰陽長官椎髻見朝吏。海蠻醉鼓橐中裝。男兒
貴至二千石。何地不可稱龔黃。壯遊須令百粵
盡。探竒更得浮沅湘。永寧自惡無瘴癘。明年雨
露生還鄉。

韓文日起手賦景奇
鬱結亦爽直有古意

歲杪放歌

終年著書一字無。中歲學道仍狂夫。勸君高枕
且自愛。勸君濁醪且自沽。何人不說宦遊樂。如
君棄官復不惡。何處不說有炎涼。如君杜門復
不妨。縱然疎拙非時調。便是悠悠亦所長。

臥子曰
似達夫

舒章曰入道之言
愈淡愈老愈壯

和殿卿春日梁園卽事

梁園高會花開起。直至落花猶未已。春花着酒
酒自美。丈人但飲醉即休。纔到花前無白頭。紅
顏相勸若爲留。春風何處不花開。何處花開不
看來。看花何處好空回。

臥子曰比之岑嘉州
韋員外作差增妻緊

韓文曰法
圓調高

王世貞三見

韓文曰七言古僅能作唐調耳元美自許在北地濟南之上殊不能然

臥子曰元美七言古搜引匠心但覺才情敏妙

寶刀歌

昆吾精鐵光灼爍。不論風胡手中作。涪江水淬明月寒。漢冶風迴赤蛟躍。鋒尖七曜隱芙蓉。匣裡雙環吐龍雀。少年醉舞洛陽街。將軍血戰黃沙漠。記取銜恩一片心。扶君直上麒麟閣。

韓文曰元美小時筆墨如此宜其自許

贈梁公實謝病歸

汝謀結室羅浮頂。下飲仙人葛洪井。桂樹宛宛山日深。松花濛濛白雲冷。我亦僅買晴艇舟。歸與少年為薄游。采蓮一曲杳然去。得醉即臥清溪頭。

舒章曰轉便游意如吳兒刺舟

昌平侯鐵券歌

英皇昔日困魚服。慘淡四廟精靈哭。乾坤膏血

付虜馬。烏鵲晝向行人啄。于公石師獨當柄。指
 顧號令無翻覆。天下勤王頗不少。楊侯上谷能
 神速。鳴鞭游騎出飛狐。咋指單于遁涿鹿。侯氣
 已見平吞虜。左右弧矢垂雙箠。居庸關頭落日
 黃。饑卒盡飽降胡肉。新皇論功獨召宴。劍履醉
 向明光宿。貂蟬換出驚妻子。犀玉手授稱腰腹。
 當時報功恨不極。促製鐵券黃金飾。無論此券
 一尺鐵帶礪河山。開社稷。百年倏忽豈更遠。里
 門不朱挿荆棘。洛下唯聞許史封。邊 陲尚指楊
 王力。即看鐵券黑似漆。金書黯黮無顏色。豈唯
 金書無顏色。侯家子孫看不識。為道己巳年間
 事。始復吞聲淚填臆。昨者薊門火。橫連甘泉北。
 捷書未必當賊鋒。血戰還應長見抑。尚方之券
 陳如山。男兒赤手那可得。君不見濠梁勛舊奚
 足數。墳墓秋霜竄鼯鼠。于公喪元石帥族風塵
 久賴成心膂。

舒章曰若無一結
全篇俱不見警筆

馱子曰微
繁于子美

觀李于麟射歌

李侯手挽三石強。左射右射勢莫當。欽羽猶然
動逸勁。白日迴接星飛芒。綵旌亂馳鼓人震。徐
插繁弱神揚揚。江南野夫不肯降。氣挾岱嶽超
扶桑。乍騰手勢身亦轉。矢落不見東西颺。道傍
兒女相走笑。比着束手無餘長。主人玉杯競前
醉。李侯頗欲誇其技。自云昔日師劉燾。罷看詩
書馳獵騎。珊瑚僕姑。千金裝。戎錦鞞。鞞五花隊。
燾也逡巡獨前出。指顧萬象俱辟易。皎如宵月
橫。控弦颯爾秋霜見。鳴鏑衆看雲中。一片白宛
轉。血墜摩空翼。猿猱叫號麋鹿竄。和以跣手割分
肩肋。精能遠出都護右。猛志坐奪荀官色。風塵
將相在一身。往見王攬甘泉策。劉子慷慨欣握
符。李侯沉冥困執戟。非但折節攻三餘。亦逐時
人理簿書。雄心隱隱見眉睫。世事忽忽甘籩蔌。
英雄善藏須莫識。辱國之藝何欷歔。我醉爲歌
平原下。青霾森森日色亞。安得一箭萬里空。野
夫飽飯看君射。

大風賦 臥子曰壯 慨可誦

韓文曰鋪敘 自見作家

舒章曰追述 一段更是神旺

送盧生還吳

盧生善詩逸者流。百結鸚鵡安足愁。輾然一笑
別我去。春花落盡胡姬樓。欲留不能意彌惻。衆
中誰憐好顏色。短裘倘過邯鄲道。青艸已沒平
原宅。吳趨小娃迎問郎。北游滿地塵茫茫。采菱
深處唱一曲。豈若蘆茄能斷腸。

入 放歌送王明佐

漢代梁伯鸞。揮手出秦關。五噫滿天地。其人闕
闕間。千秋王生亦如此。北游黯以風塵裡。海上
珊瑚屬銀漢。匣裡蓮花鬱秋水。侯門馬勃空見
收。燕市狗屠無不游。黃金自兀國士館。黑貂且
付胡姬樓。天子方祠太乙神。甘泉賦客爭前
陳。豈無蜀人揚得意。相如不救成都貧。薊門蹶
蹶雪花白。臨別殷勤繞朝策。病夫竟逐車塵歸。
偃蹇衣冠失顏色。掉頭汝誇五嶽盟。鞭扶萬象

無留行。眼前歲星人未識。何用區區變姓名。

金吾行贈戴錦衣

金吾緹騎不可當。迥若饑鶻搏大荒。碧瓦雕甍
戰嶮岬。貂裘玉勒紛輝光。但令奚雛剪頭至。赤
手臥奪黃金章。人間陸海天茫茫。豈無英雄遂
俛首。戴子不肯誇身強。邀我坐我堂中床。葡萄
暖發茵陳香。羽聲春激白帝霜。五侯七貴他自
足。要令名姓登詞場。嗚呼戴子一洗金吾色。野
人愧殺尚書郎。

金吾章日中開
別有所刺

懷柔六槐歌

懷柔署中六槐樹。小者百尺凌穹蒼。五如五嶽
峙大荒。一若小室嵩之陽。行天白日不能下。呼
雨闌風勢莫當。金錢萬緡奪春色。珠璣千斛搏
秋霜。饑鳥恠鳴啼不歇。亦許狐兔穿其傍。根蟠
老大托后土。區區斧斤寧見傷。東家梧桐僅人
立。青皮剝落神摧藏。雖有鳳皇不肯顧。安得送
汝參天長。

舒章日亦寓言也意似在分宜

轅文日亦是風人之遺

送許永寧

許生少小青雲客。一日交遊滿東國。是時歷下李于鱗。徃徃道汝文章伯。薊門紅塵萬楊柳。五馬忽停趙州守。吾徒零落聲華盡。且復低眉事奔走。清霜片片炤吳鉤。北斗插地河西流。要知肝膽洒邊露。還是當年荆聶儔。

轅文日此詩原本頗拖沓故刪其半却是成章

酌孫太初墓

歿不必孫與子。生不必父與祖。突作憑陵千古人。依然寂莫一杯土。道場山陰五十秋。那能華表鶴來游。君看太華蓮花掌。應有笙歌在上頭。

舒章日起語奇突要是太初實錄也

殷司馬平廣西寇歌

殷公文武邦之楨。不學淵源空有名。一歲再遷中執法。兼提六管嶺南兵。如雲鸞鶴排千艦。五色神羊映百城。征南將軍不穿札。渡瀘相公單

白哈軍聲雷動細柳營。殺氣霜凋大藤峽。任是
蠻烟開羽扇。還留漢雨澆金甲。狼兵錦鞬繡螯
弧。奪得生徭換酒沽。早知不殺稱神武。悔自跳
跟作後夫。處處春田催布穀。朝朝列肆喚提壺。
千秋獲嘉縣重觀。伏波不得驕銅柱。灘水灘和
鏡吹聲。鬱林花滿旌旗路。遙望蒼梧雲正蒼。是
公功成勒銘處。

詩章曰結
有神致

寄許左史兼訊西亭王孫

詞客不寂寞。故人多輝光。許侯自厭五馬去。十
年相齊復相梁。大梁夷門已非故。大梁游俠猶
傾慕。共道青雲公子交。還誇白雪相如賦。病夫
偃息東山廬。自言于世無所如。倘遇漢朝劉子
政。為求鴻寶枕中書。

韓文曰此元美
之擬東川也

送陸君儀部起家分賦得冶城

謝公晉未達。與客登冶城。一為遺世言。口吻烟
霞生。東山高臥三十載。遠志雖饒壯心在。躡屐

能開大桁烟。圍碁直賭秦淮塞。英標爾復冠人羣。強爲天書辭白雲。謝公墩頭初月上。千古風流併在君。誰憐誓墓長耕者。曾是同游王右軍。

臥子曰結以自况

爲劉侍御題清舉樓

主人高樓號清舉。主人卜築今何所。橋畔船歸虎丘寺。門前客散桃花塢。爲言塵市無所歡。聊從物外得奇觀。習習蘭芝綠戶牖。紛紛虹雨挂闌干。倦來獨岸華陽幘。鄴侯圖書周四壁。捲簾忽舒東海霞。挂頰且看西山色。風前胥口幾葉帆。月下吳閶一聲笛。元龍之客不可留。東陽人詠誰能酬。鶴背翩然別君去。白雲無盡五湖秋。

舒章曰亦

復清宥

轅文曰亦是

東川之遺

登邯鄲叢臺有感作叢臺行

邯鄲叢臺已非舊。請說邯鄲舊時有。吳家倩女茗乍榮。和氏連城月初剖。臺上奏伎邯鄲姬。臺下拔劍邯鄲兒。銜將恩去身俱賤。報得讎來主

不知君莫謂平原好公子。三千去後應無幾。堂中客傍信陵門。軍前士歿長平壘。叢臺不盡更檀臺。回首豪華安在哉。自是魯連東海蹈。千秋白日聳蓬萊。

臥子曰發音赴節琅然玉舉

謝

榛

字茂秦臨清人嘉靖時山人所著有四溟集

舒章曰茂秦詩神簡健發如摩天俊鵬每擊必中

臥子曰茂秦沉練雄渾法度森然真節制之師也。又曰茂秦地位于鱗之下。徐吳之上。元美評其所製最當而未免以蕭朱之嫌。左祖濟南柳之太甚。此文

足重也

轅文曰四溟集余所細閱五言古學少陵而加以俗了無可取七言古亦具體耳惟五七言律切實衡當是其所長然法律束之不無微恨。又曰茂秦近體在元美上于鱗能以變化勝之

送劉戶曹成卿使荆楚

帝將北伐歲云暮。使者南徵三楚賦。借問何人當此行。東平文學今劉楨。朔塞風塵暗赤縣。中原戎馬疲蒼生。飛旌直下武昌道。黃鵠磯頭見春草。仙侶不來空倚樓。漢江東流波浩浩。孤鳳

皇明詩選 卷之六
叫天天上聞。野田鳥雀何紛紛。湘竹遙連洞庭雨。衡山半落蒼梧雲。雲岑烟樹莽相似。猿聲至今悲帝子。有才偏抱千古愁。片月多情照湖水。國計艱難非管時。君今肯醉習家池。無限悲歌楚人調。秋風獨遣騷人知。

韓文曰茂秦七言

古亦刻意濟南

舒章曰湘竹二

語寫景淋漓

吳國倫 三見

送徐行父少參赴關內

咸陽天下險。洛邑天下中。潼關睥睨周。西東君百三。川歷三輔。分陝經營。王命同登車。慷慨千人雄。矯若八翼凌蒼穹。左馮翊。右扶風。漢關秦畿指顧通。為將匣裏雙龍劍。擲作天邊一筆峰。

舒章曰結自雄俊

過五郎磯

黃龍洲前雪浪飛。浪花疊作五郎磯。小艇縱橫截洄湫。張網捕魚一何速。造次經過不知險。坐

皇明詩選 卷之六
愛山衣綠如染。開情沙鳥俱悠悠。萬古蒼茫江漢流。

韓文曰
峭健

舟泊漢口司馬陳公載酒渡江爲長夜之

飲賦謝

蒲衣竹笠滄浪叟。玩弄烟波忘白首。短棹乘春
泝大江。東風送之過漢口。漢水西來高接天。洪
濤猛蹴羣山走。落日全昏鵠渚磯。停舟且繫晴
川柳。隔江簫鼓何殷殷。樓船如屋旌如雲。戈艦

儼開魚麗陣。旒鈴疑勒水犀軍。中流小隊傳呼
急。夾岸材官次第分。爲道總戎能載酒。招尋野
客來江濱。大別山頭月未午。江光千里明於組。
錦纜牙檣動列星。金樽綺席臨芳浦。禮數先從
入坐寬。中懷竝借銜杯吐。登歌不采大堤謳。擊
劍何煩長袖舞。憶自君侯鎮荆服。簪貂插羽無
亡鏃。坐使蠻夷款自輸。祗今江漢平如陸。百年
此夕會偏奇。絳燭屢更歡未足。君不見郎官湖
上鷗。不驚處士洲前艸。增綠。

上謝不敘臥子曰鋪敘穠雅

我之會轅文日意境新逸

十難水舒章日結語閒雅別自一調

檢宗臣字子相興化人嘉靖庚戌進士繇吏部考功郎中出為福建提學副使天

入坐直中卒所著有方城集

論辭下舒章日子相天姿明佚好自頽宕其得意處僅得太白之粗者故予輩刪之頗

容來巖然不可謂非其功臣也

意來臥子日子相意取秀逸不尚深思從此入者易流淺俗

歸嘆

薊門春盡雲陰陰倚杖出門愁暮禽千金裘馬

只自好。萬里江湖誰復尋。武陵一別桃花深。欲

歸不歸傷我心。青楓未老楚月白。吾將長嘯投

吾簪。

舒章日玉山頽唐自有佳致

轅文日子相七言古全擬太白但得其膚此作取其不作意

跋盧氏柵再見

請思贈別南田楊子還晉石

我本衛川豪。君作燕城客。意氣各千里。相逢在

燕陌。燕城燕陌。跨涼華。青煙作帳。銀爲沙。五侯
龍馬耀金鞭。蒼螭寶帶。屈盤拏。層城日出。歌鍾
起。繡戶珠箔。幌羅綺。遙憶夔龍集鳳池。亦知衛
霍矜戚里。笑倚青萍劍。耻上黃金臺。昭王非帝
冑。樂毅自凡材。燕丹空有心。荆卿徒悲哀。白虹
沒長雲。易水不能迴。瑤華翠葆浮雲沒。錦石雕
甍秋後伐。古人已見覆蒼苔。今人空對西山月。
西山月出宮殿寒。坐愁白髮驚飛湍。風雲萬里
不相待。白羲垂耳蛟龍蟠。雞鳴開九關。天
狼若可攀。勢欲請長纓。繫胡燕然山。長纓繫胡
心不朽。君去青山但揮手。落日天風吹海波。月
明來勸一盃酒。酒中慷慨樂事無。據地酣歌玉
唾壺。晉石山川爲君迂。千巖萬壑來長途。往日
春光懷我處。奇花不盡相思樹。葡萄露下餘空
醅。終日待君那能顧。滄洲今已暮。瑤艸不知路。
欲乘黃鶴一問之。爲予淨掃南田霧。

臥子曰未見佳
境而豪頓可觀

舒章曰亦疑太
白一往有象

羸女鳳圖

秦臺明月下。炤見乘鸞女。玉簫聲不聞。緘情空
復許。相思何處憶離羣。欲報佳期隔綵雲。懷中
知有瓊華字。夜夜清光獨映君。

韓文曰
清舉

贈別李性菴還任丘

燕郊十月飛胡霜。臨岐送子各盡觴。腰間笑解
延陵劍。雪花墮地蛟龍翔。都門佳期那可顧。相
思開遍三花樹。歸時倘遇浮丘公。為予接引嵩

高去

于慎行 再見

大隄曲

大隄春盡花如雨。大隄女兒隔花語。揚州估客
四角幡。暮泊蘭橈宿江渚。芙蓉寶帳綠雲鬟。翠
簾銀缸夜色寒。倚瑟當壚春酒盡。卷帷望月曉
裝殘。石城一曲歌未足。日出天空江水綠。含啼
送客更多愁。腸斷烟波萬里秋。

韓文曰亦本太自然
已在張籍王建境中

馮

琦

號北海萬曆丁丑進士累官禮部尚書謚文敏

臥子曰宗伯經術之士其詩雖未冥搜亦能象合

題閼氏畫像

紅粧一隊山陰下。亂點駝酥醉朔野。塞外爭傳娘子軍。邊頭不牧烏孫馬。

韓文曰此為忠順夫人而作

袁宏道

字中郎公安人萬曆中進士官至吏部驗封司郎中

古荆篇

年年三月飛桃花。楚王宮裏鬪繁華。雲連蜀道

三十里柳拂江堤。十萬家丹樓繡幌巢飛燕。寺

閣文牕起曙鴉。鴉飛燕語等閒度。不記江城春

早暮。東風香吐合歡花。落日鶯啼相思樹。王孫

挾彈郢門西。少年借客章臺路。少年矯矯名都

兒。雕鞍朱勒黃金羈。採桑陌上青絲籠。紅粉樓

中白紵辭。白紵綠水為君起。青春環珮如流水。

東城絲管接西城。相府豪華壓朱邸。俠客飛鷹

古道傍。佳人賣笑垂楊裏。垂楊二月隱朱樓。家

家宴喜樓上頭。綦鳥喧闐朝送酒。管絃嘈雜夜

藏鈎繁絃急管夜初闌。惜花少女怨春殘。桃花
灑灑雲成綺。蘭炷漫漫火送寒。曉風楊柳菖蒲
浦。秋月梧桐金井欄。秋月春花無斷絕。門前桃
李幾迴折。願作陽臺雨後雲。誰憐洛水風中雪。
陽臺洛水夢空長。那似倡家玳瑁牀。羊車共羨
東鄰子。寶帳新憐西曲娘。織成錦席迷蝴蝶。種
得青梧棲鳳凰。遊人戀戀無窮已。踏遍江城春
萬里。只解賓從集似雲。那惜年光去如矢。花開
花落迥生愁。郢樹鄢雲幾度秋。霍氏功名成夢
寐。梁王臺館空山丘。榮枯翻復竟何言。昨宵弱
水今崑崙。無人更哭西州路。有雀還登翟氏門。
漢恩何淺天何薄。百年冠帶坐蕭索。咎時嗟氣
成烟雲。今朝失勢委泥礫。青娥皓齒復何人。金
牀玉機爲誰作。已矣哉歸去來。楚國非無寶荆
山。空有哀君看白雪。陽春調千載。還推作賦才。

臥子曰石公才情本自流
麗此篇似刺江陵公作

舒章曰中郎淺俗有元白之風
此詩彷彿初唐鍾譚猶未望見

轅文曰筆
意妍美

同郡夏完淳存古氏較

山空水... 林王... 水今... 燕... 燕... 燕...

皇明詩選卷之七

李 雯舒章氏

雲間陳子龍臥子氏同撰

宋徵輿轅文氏

五言律詩一

劉基

再見

題太公釣渭圖

璇室羣。酣夜。璜溪獨釣時。浮雲看富貴。流水澹
鬚眉。偶應非熊兆。尊為帝者師。軒裳如固有。千

載起人思

舒章曰五六是王佐氣岸

過南望時守闌不得行

客路三千里。舟行二月餘。壯顏隨日減。衰鬢受

風踈。蔓草須句國。浮雲少昊墟。愁心如汶水。蕩

漾遶青徐。

舒章曰結句沉切

高啓 三見

晚次西陵館

匹馬倦嘶風。蕭蕭逐轉蓬。地經兵亂後。歲盡客

愁中。晚渡迴潮急。寒山舊驛空。可憐今夜月。相

照宿江東。

江上寄王校書行

寥落舊歡違。江邊獨掩扉。鄰家聞暮笛。客舍試

春衣。宿鳥歸山亂。行人渡水稀。相思比花絮。斜

日繞城飛。

舒章曰結得輕新

來風送謝恭一作劉基

涼風起江海。萬樹盡秋聲。搖落豈堪別。躊躇空
復情。帆過京口渡。砧響石頭城。爲客歸宜早。高
堂白髮生。

舒章曰調平體雅

送前國子王助教歸臨川。聞暮笛客舍
去國獨依依。羈臣淚滿衣。夢中燕月遠。望裏楚
山微。世變人驚老。身全。詔許歸。舟前楓葉落。
應到故園扉。

舒章曰取其真

送宿衛將出守鄧州

中郎身領仗。宿衛在承明。舊射雙鵬落。新乘五
馬行。紅雲遙魏闕。白水近穰城。好勸諸年少。春
來賣劍耕。

臥子曰詞

意俱佳

楊基

字孟載吳縣人洪武中累官山西按察使所著有睂庵集

舒章曰孟載如玉袖臨春翩翩自喜

臥子曰孟載如吳中少年輕俊可喜所乏莊雅

岳陽樓

春色醉巴陵。關干落洞庭。水吞三楚白。山接九
疑青。空濶魚龍舞。嬋娟帝子靈。何人夜吹笛。風
急雨冥冥。

臥子日起句
果稱神境

舒章曰結
語無定姿

徐賁

字幼文長洲人洪武中累官
河南左布政所著有北郭集

送曾伯滋赴西河將幕

上將初分閫。儒官解習兵。風旗春獵野。雪帳夜

歸營。洮水從岷下。祁山人壠平。知公能載筆。草

檄報邊聲

轅文曰有謂此詩起句不切幕職者大
謬上將指西河將儒官乃曾伯滋耳

袁凱

三見

遊會稽山

山實揚州鎮。人逾浙水來。禹功懸白日。秦刻臥

蒼苔。龍起梅梁去。神遊石洞開。明朝有餘興。更

上越王臺。

舒章曰
勁爽

汪廣洋

二見

長劍客千里。一杯歌七哀。晚節忽已至。秋芳殊未開。平沙誰戲馬。落日自登臺。西北天垂遠。滄江聞雁來。

韓文曰忠勤九日之篇已盛唐

舒章曰粗有旄仗氣

林鴻

字子羽福清人洪武中官禮部員外郎

韓文曰國初閩中詩人子羽為冠而王弇州阿為小乘要亦是作家舒章曰子羽如出林新鵲羽翮初成

出塞曲

玉關秋信早。未雪授征衣。王者應無敵。胡塵不敢飛。三河兵氣盡。五道檄書稀。日晚笳聲發。將軍射獵歸。

其二

衛霍邀勳日。三河聚控絃。陣雲寒壓地。獵火遠燒天。玉帳分旗直。金戈枕月眠。羽書飛報捷。天子在甘泉。

舒章曰二詩亦自輕矯

浦源

字長原無錫人洪武中授晉府引禮舍人

懷何士信謫西河

全家離故鄉。萬里謫窮荒。草木踈邊境。牛羊繞
帳房。風聲連雨雪。漢語雜氐羌。遠念平生友。行
吟淚數行。

藍智

字明之崇安人洪武中官至按察使

雨中同孟原僉憲登嘉魚

高閣流鶯外。荒城駐馬前。江寒三月雨。春盡百
蠻天。折柳悲橫笛。飛花落釣船。乾坤總羈旅。把
酒意茫然。

章闈

國初人

送張二貢士

烟靄散春晴。亂鴉深樹鳴。千山懸落日。一騎出
孤城。急管催離宴。飛花亂旅情。慙慙懷上策。謁
帝向承明。

曾棨

再見

淮南舟中

遠戍鷄聲曉。遙堤柳色濃。斷雲京口樹。殘月廣

皇明詩選 卷之七
陵鐘。簫鼓官船發。圖書御寶封。朝臣多扈從。冠佩日相逢。

周玄

字微之。閩縣人。永樂中禮部郎中。

漢上聞胡人吹笛

不識邊城路。方從篳篥聞。千聲悲漢月。萬里遶秦雲。響入天山動。寒兼隴水分。梅花今夜落。江上正紛紛。

王儻

舒章曰。結甚渾合。再見。

和王舜舉春日襄陽之作因送之歸

漢水千年綠。襄陽二月時。人歌大堤曲。春到習家池。且縱山公醉。寧同叔子悲。葛疆今已老。歸馬莫教遲。

舒章曰。結甚高老。

楊士奇

再見。

賦得滄浪送陳景祺守襄陽

漢水帶襄城。滄浪舊有名。分符來五馬。如練炤雙旌。濟涉思爲楫。聽歌想濯纓。須令郡人說。堪

比使君清。

轅文日應酬語頗有致

周述

字象述吉水人永樂甲申賜進士第二累官侍讀學士

賜觀燈詩

魚鑰通宵徹。金蓮達曙紅。門開九霄上。輦度五

雲中。劍珮隨仙蹕。旌旗拂彩虹。宸遊多樂事。此

夕萬方同。

轅文日具初唐之體

李禎

字昌祺廬陵人永樂甲申進士官至河南布政使

送周秀才遊長沙

迢遞長沙道。蕭條晏歲遊。亂山黃葉寺。孤棹白

蘋洲。夕鳥衝船過。寒波背郭流。毋論卑暑地。賈

傳。答曾留。

臥子曰亦粗有致

舒章曰夕鳥二句賦景深細

陳敬宗

字光世慈谿人永樂甲申進士累官國子監祭酒

臥子曰文定詩典質和平盛世之風

觀燈應制

皇明詩選 卷之七
皓月金門夜。和風玉殿春。雲移三島近。燈簇萬
花新。天仗臨丹扆。星橋接紫宸。中官宣德意。燕
賞及詞臣。

轅文日亦
軒然自貴

送楊進歸南京

城闕鐘聲曙。山河雁影秋。琴尊千里別。冠佩兩
京遊。遠樹連平野。涼風送去舟。懷君明月夜。編
首鳳池頭。

王洪

字希範。仁和人。永樂
中官翰林院修撰。

舟中雜興二首

故國偏芳草。高臺多大風。河山千古在。登眺幾
人同。野澤鳴山雉。荒陂起塞鴻。新豐不可見。烟
樹五陵東。

陳璉

字廷器。東莞人。永
樂中官禮部侍郎。

多景樓

獨倚闌干久。涼風滿客衣。樹從京口斷。山到海
門稀。雁影橫秋色。蟬聲送夕暉。燕城纔只尺。樓
堞望中微。

章珍 字文重 永樂時人

度荆門望楚

亂峯前路迥。旅况正紛紛。落日荆門望。青山楚

國分。孤城連郢樹。迴棹入蠻雲。誰念天涯客。西

風見雁羣。

轅文曰 穩秀

祝淇 永樂時人

和胡學士遊萬歲山

初日上林紅。青山御路通。羽旗麾曉露。鳳輦度

春風。衛從分諸校。趨陪列上公。蓬萊迴望遠。官

闕五雲中。

舒章曰亦不入卑俗

蘇正 字秉貞 宣德時人

春夜別友人

綺席管絃清。春宵絳燭明。山川縈去騎。尊俎對

離情。月迥藏銀漢。天迴轉玉衡。鷄鳴催曉發。迢

遞洛陽城。

臥子曰 流麗

舒章曰喜其不蕭索

于謙 字廷益永樂末進士景泰中官兵部尚書英廟復位弃市

到澤州

躍馬天將暮。離山路轉平。川縈太行驛。樹繞澤州城。落日翻旗影。長風送鼓聲。孤雲在天際。回首若為情。

臥子曰俊爽不羣

舒章曰似張

睢陽軍城作

張和 字節之崑山人正統中官至提學副使

送行人劉諭使滿刺加

白髮炤吳鈞。誰憐萬里遊。佩辭天闕曉。帆掛海門秋。積水浮仙嶼。寒星伴使舟。歸來建奇策。博望擬封侯。

轅文曰聲口自俊

李清 字希獻華亭人景泰中進士官至湖廣布政使

送荊州趙太守攜家之任

雨歇石頭城。春潮向晚平。一麾遲楚塞。千里挾秦箏。橘暗龍洲近。舟浮夏口輕。清風如可頌。杜

若滿江程。

世從孫雯曰風流
意態清美獨絕

王越

字世昌濬縣人景泰辛未進士累官兵部尚書以功封威寧伯謚襄毅所著有

雲山集

舒章曰威寧才思敏健柰其太率不脫兜牟之氣

次林員外驛壁間韻

漫漫南去路。隨處紀山川。齊魯雲連樹。秦淮水接天。鳥棲吳苑月。人牧楚陵烟。莫道交州遠。姚安已近邊。

野子曰俊快。又曰一篇之中齊魯秦吳楚五國何也

韓文曰似芥所經之地有此五國故為敘出耳

李夢陽

匹見

橋山

青宮棲古岑。白露靜松林。忽下鳥號淚。遙悲龍去深。衣冠萬國後。轍跡四方心。一氣流羣帝。哀哉笙鳳音。

舒章曰結語包藏甚大

朱遷鎮廟宮今跡茲風露留餘韻

皇明詩選 卷之七
宋墓莽岑寂。岳宮今在茲。風霜留檜栢。陰雨見
旌旗。百戰回戈地。中原左袵時。土人嚴伏臘。偏
護向南枝。

清風河上寓樓獨酌
一自違京邑。飄飄歎此遊。桃花是往歲。竹葉轉
新愁。暮雨津城樹。春帆水國樓。汴河堤上柳。烟
色似皇州。

臥子曰意甚悽愴
韓文曰神骨絕秀

中秋南康

同是中秋月。匡廬只自看。故臨石鏡上。偏傍落
星灘。北望關山隔。南飛鳥鵲寒。鳳歌喧太液。光
憶滿長安。

舒章曰此老宦情不薄

野泊

遠電明江夜。官舟野泊稀。山鐘天外落。林火雨
中微。水立黃龍鬪。沙霑白鷺饑。平生萬里志。可
柰夢西歸。

七夕宜城野泊逢立秋

漢江天上水。牛女世間宵。自動龜鼉影。誰傳烏鵲橋。孤城古塞月。一葉楚門潮。君看西流火。分明奪斗杓。

臥子 曰雅

早春赴鮑相之飲

憐女一尊酒。要予千古臺。年從碧草換。暖向玉杯來。海日連波動。江鴻帶雪迴。衆賓無遽起。吾醉欲徘徊。

舒章曰老態頽宕

河上秋興

坐送登臨目。晴空鳥路長。秋雲不近苑。宮樹自成行。河洛來天地。人烟接渺茫。采蘭空澤裏。彼美在何鄉。

舒章曰結有美人芳草之思

其二

白馬瓠子口。秋風汾上歌。帝鄉不可見。千載白雲多。樹動江帆至。霜前塞雁過。滄洲無盡極。慷慨

慨有漁蓑

卧子曰第
五句稍巧

間居寡營忽憶關塞之遊

牢落居庸道。蒼茫六載還。開軒延漢使。對酒話
燕山。鳥道增新戍。天梯護上關。白城煙火切。鎖
鑰未應閑。

舒章日對
酒句壯老

酬京師友人見寄作

浮雲悲故國。積水起鳴雷。不見長安日。愁登古
吹臺。故人三月別。天上一書來。欲問經行處。山
中杜若開。

韓文日似
高嘗侍

舒章日結
意深淡

繁臺餞客

萬里遊燕客。十年歸此臺。只今秋色裏。忍為菊
花來。霜露凝秦望。衣冠餞楚材。不堪分袂苦。落
日一鴻哀。

卧子曰第
渾詞雅

得何子過湖南消息

及遇荆門信。洞庭秋已凄。湘江饒苦竹。幾聽鷓鴣啼。馬援留銅柱。王褒祀碧雞。湖南衝瘴癘。藥物去曾攜。

韓文曰起作急
調意景不拘

送人還關中

見君驅去馬。忽起望鄉思。華嶽寒逾峻。涇河繞自遲。躬耕為谷口。把釣憶皇陂。何日一尊酒。南山對不移。

九日楚山太華君同登

不入襄陽府。秋山每自來。那知楚峯上。還共菊花杯。帽落層雲迥。風生萬壑開。却思羊叔子。峴首獨悲哀。

送陳左使赴貴州長安

萬里洞庭西。秋風入五溪。瘴天開斧鉞。山驛斷虹蜺。水出牂牁繞。城臨井宿低。堂間花樹紫。簫

舒章曰體
態間縱

鼓閣雕題。鞞陳赫赫。朝共帝。空閣芬。樹深。

萬里風。卧子日差。入正。對。天。開。奈。逾。山。翠。嶺。

酬徐子春日登樓見寄

三月。垂。楊。合。風。花。滿。帝。州。伊。予。直。北。望。爾。上。幾。

層。樓。紫。塞。連。天。起。黃。河。抱。地。流。春。烟。動。萬。里。何。

處。覓。前。遊。舒章曰起句

不入寒風情振蕩

和鄭生行經鳳陽

浩蕩興龍地。盤旋踞虎形。海吞淮水白。天插楚

峯青。帝宅精靈聚。陵宮虎豹扃。萬年禋祭禮。有

道賴朝廷。舒章曰吞插等字皆傷風雅

結雅

崆峒氣盛骨秀故不覺耳

何景明 四景

卧子曰仲默五言律深雅朗秀

以攬王杜之長而仍見獨運

韓文曰仲默五言近體盛唐無處

不合後至秦中反似獨宗子美

中秋看月色移席近前楹河漢三更沒關山萬

里明風烟。依獨戍砧杵。閉空城。此夜高堂上。多
應念遠征。

舒章曰五六句沉秀獨絕

雨夜似清溪

院靜聞疎雨。林高納遠風。秋聲連蟋蟀。寒色上
梧桐。短榻孤燈裏。清笳萬井中。天涯未歸客。此
夜憶江東。

韓文曰王孟風致

九日同馬君卿任宏器登高

向夕楓林爽。行吟未擬回。明霞積水外。落日古
城隈。鼓角秋深怨。風霜歲晚催。莫將遲暮意。孤
負菊花杯。

洪法寺別錦夫邃伯

古寺坐揚裏。樓臺炤落暉。重來舊遊地。却與故
人違。雲樹千山暗。風花三月飛。未將湖海淚。空
灑路傍衣。

寄阮行人

夫子風流士。高懷近若何。張騫能奉使。阮藉自

行歌文字留中嶽樓船渡大河梁都看不遠枉
駕幾時過

韓文日
高壯

九日同諸友登賢隱山
古寺來遊日高秋雲物清樓臺萬里目時序百
年情野樹斜侵郭河流曲抱城明年當此際誰
與其題名

望京師寄王職方

北望依南斗長安萬里愁西風入上苑楊柳落
金溝雲近蓬萊閣天迴太液流仙郎歸畫省高
詠接同遊

舒章日華
景入情
卧子日右丞
建禮之遺

雨後次孟望之

斷雨藏深浦殘雲霽晚空人家亂水外野艇夕
陽中風急鳴江鶴天高落塞鴻滄浪浩歌起身
世羨漁翁

韓文日亦
本右丞

舒章日五六蒼
逸結更淡雅

送孫世其舉人歸華容

爾去荊州府。孤帆幾日開。山過宋玉宅。江到楚
臺。落雁衝人起。浮雲度水來。悲懷兼別緒。歲
暮若為裁。

西郊秋興

舊家澗水上。門向釣臺邊。近市來沽酒。中流坐
放舡。蒹葭開晚炤。洲渚接寒天。漁父如相識。長
歌過我前。

臥子曰開道一
派亦不可廢

長安月

萬里長安月。曾看炤綺羅。徘徊留舞席。宛轉逐
遊珂。錦幌披青霧。朱樓拂絳河。佳人獨愁思。終
夕抱雲和。

詩

得五清先生消息尚客澧州。悵然有懷作
洞庭西去路。消息幾回聞。地僻難逢雁。天長祗
見雲。白蘋悲楚客。斑竹怨湘君。宋玉哀師意。空

傳九辯文

舒章日結句雅帖

寄張提學伯純

舊屬朝端望。俱稱柱下才。九霄驄馬出。千仞鳳凰來。河洛經中嶽。星辰動外臺。山城有桃李。花向幾時開。

卧子曰

壯渾

送別劉朝信

萬里向天涯。孤城對日斜。雲山共此別。世路獨長嗟。暮雪燕關樹。春風漢苑花。知君騎馬地名。姓滿京華。

轅文曰常侍高壯嘉州穠婉此殆合之

登西巖寺

西林禪誦地。石壁倚天開。曲磴千盤上。飛泉一道來。園禽巢古殿。野鹿過香臺。共坐題詩暮。山花落酒杯。

遊賢隱寺

寂寂春山寺。雙峯晝自陰。行吟白雲裏。獨慰翠

皇明詩選 卷之七
三
微心石磴懸蘿暗。巖亭雜樹深。還疑武陵口。溪水入花林。

舒章曰結有不盡之情

韓文曰三四

是摩結神境
送王生還嵩盟兼訊趙叔

此向嵩州去。遙看溟海窮。行人三月盡。獨馬萬山中。雪嶺銜西日。春沙起北風。傳書問故舊。天地一冥鴻。

韓文曰亦似嘉州

寄空同子卜居襄陽

爾定襄陽宅。雲山好傍誰。草憐王粲井。花醉習家池。留滯悲江漢。驅馳感歲時。扁舟空悵望。未有鹿門期。

韓文曰蒼澹

送曾建昌取道還瀘州

之官懷印綬。過里訊松筠。峽纜牽瀘水。天梯截小岷。雲山蟠越嶠。錦樹雜冬春。目極西南日。高歌動我神。

卧子日 壯健

舒章日第六 語風景遠到

送沙河方令

野曠孤城出。山高土黨分。春沙平落日。古樹密屯雲。 李今年種。絃歌此地聞。未須愁簿領。應不廢詩文。

舒章日世間物 色獨能修雅

送賈郡博之階州

十載一儒官。西行路復難。羗夷應俎豆。邊徼有衣冠。 隴阪盤雲上。秦城向斗看。好音懷萬里。早晚報長安。

舒章日為 廣文生色

送楊子濬下第還廣東

憐君不得意。春盡獨還家。路入蘼蕪草。亭深枳殼花。 客舟江上遠。鄉樹嶺南斜。盛世多遭際。寧容問釣車。

送戴生歸獻縣

旅室蒼苔靜。寒城月色陰。歸人對明燭。別調入

瑤琴渤海高雲久。滹沱積雪深。趨庭知有日。應
慰倚門心。

韓文曰三四
本色清麗

送曹瑞卿謫尋甸

逐客滇南郡。雲天此路長。高秋行萬里。落日淚
千行。作賦投湘水。題書寄夜郎。殊方氣候異。去
矣慎風霜。

卧子曰似
高常侍

送宗魯使安南

日月天門迥。星辰海國遙。龍函隨勅命。使節
下青霄。荒服周王域。南滇漢將標。壯遊真萬里。
無外見今朝。

舒章曰結
體深重

送呂揮使

駟馬赤電奔少年。風義存名登羽林。衛身覩漢
皇尊。北海連龍磧。西山出雁門。臨行贈寶劍。持
此答君恩。

韓文曰
起句壯

送郭刑部守寧波

漢庭黃綬吏。西省白雲司。豈謂為郎久。猶言出
守遲。雲霄懸賜履。江海入褰帷。古越今名郡。風
流當在茲。

舒章日清
真自佳

送胡別駕出關

天上黃華戍。雲邊鉄壁城。風沙行塞日。金鼓出
關情。轉餉留蕭相。揮鞭讓祖生。軍儲西北計。從
此樹勲名。

贈董侍御

何處采芳蘋。維舟湘水濱。草間露彩薄。沙上月
華新。杳杳侵溟路。依依向楚人。汀花不寄遠。惆
悵獨逢春。

轅文日
新麗

駕出

九重玄武仗。萬歲羽林軍。朝帝乘輿出。行天警
蹕聞。螭頭蟠曉日。雉尾拂春雲。佇望南郊氣。遙
連北斗文。

卧子曰仲默朝廟
之作皆雅潔典麗

舒章曰二詩
如羽林嚴仗

駕幸南海子

饒音發桂時。春狩踐蘭區。水盡緹城合。山迴帳
殿孤。公卿隨入駿。虎旅備三驅。如聞後車載。倘
遇渭川夫。

韓文曰結句不諧
要是初唐氣色

皇陵

陵闕皇靈闕。山河王氣遙。萬年龍虎抱。每夜鬼

神朝玉盃留。天地金燈炤。寂寥如看翠華度。縹

緲在青霄。

舒章曰三

四語雋

韓文曰

似少陵

晚出左掖

洞門餘積雪。御苑覆高霞。吏散層霄上。城行五
鳳斜。青回初霽柳。紅動峭寒花。立馬清沙外。空
林集暮鴉。

卧子曰吏散二語
是今朝物色

皇明詩選 卷之七
奉和嚴太史謁泰陵

世切如雲望。天摧格帝功。彌留念諸將。顧命託
三公。玉几星辰上。玄宮霜露中。松楸慟哭地。白
日起悲風。
其二
夜壑霜鐘杳。秋岑玉殿扃。總帷風浙浙。銀海月
冥冥。象衛朝羣帝。龍藏扈百靈。臨門日呼召。天
語舊臣聆。

答潘都諫郊壇見遺之作

羽衛天行路。龍帷御宿亭。璧壇流霽月。銀闕動
春星。諫獵心空赤。逢時鬢尚青。極知陪從地。瞻
切五雲停。

舒章曰三
四高秀

得顧華玉全州書兼知望之消息

地北憐爲別。天南真可哀。同時萬里去。隔歲一
書來。水濶蛟龍出。山深杜若開。相思有詞賦。愁
絕並登臺。

登紫極閣

皇明詩選 卷之七

層閣重重麗。丹梯裊裊孤。風雲上紫極。氣色覽
皇都。苑靜芙蓉落。城喧雁鶩呼。蒼然見淮楚。鄉
思滿平蕪。
九日登仁壽寺後山
石閣凌香岫。憑高烟霧開。人疑送酒客。地即望
鄉臺。雁度桑乾去。雲從碣石來。魚龍瀚海北。萬
古一悲哀。

舒章日時京川
詩不落舊念

十月望夜劉苾苾二子過對月

院寒冬月白。城夜冷雲收。上客扳蘭省。清光近
鳳樓。關山一北望。河漢迥西流。未見乘槎使。迢
迢上斗牛。

轅文曰
秀迥

中秋夜集呂給事宅

銀漢高秋露。嚴城月色陰。美人今夜酒。遊子故
鄉心。烏鵲江邊去。蛟龍海上吟。漢宮樓殿迥。莫
使暮寒侵。

轅文曰結意可
見然亦安雅

十四夜李川甫宅

獨院淹杯酌。高秋驚旅意。風蟬急白露。沙葉靜
黃昏。月上看天柱。潮來望海門。平生壯遊志。非
爾何誰論。
同許補之劉子緯登定州塔

塔閣盤空上。笙簫遶洞行。懸梯出萬井。飛蓋俯
孤城。燕岱風雲色。滹沱雁鶩聲。登高並回首。直
北是神京。
大功德寺

玉泉

寶地烟霞上。珠林霄漢間。宣皇留殿宇。今日
共追攀。御榻臨丹壑。行宮鎖碧山。帝城看不遠。
時見五雲還。

韓文曰秀於獻
吉深于于鱗

卧子日雅麗深
永可稱絕作

舒章曰風
調渾秀

望湖亭

獨上湖亭望。霜空萬里明。檻疑天上立。槎是斗
邊行。雲霧開山殿。芙蓉暗水城。先朝四百寺。秋
日徧題名。

舒章曰
結老

慈恩寺

海子橋西寺。高樓御苑花。中流自日烟。平地有
烟霞。客至開金殿。宸遊想翠華。十年復到此。朋
輩各天涯。

舒章曰平穩
自見情興

關門

虎衛關門迥。龍沙塞曲深。風雲時有氣。日月晝
長陰。中使西來訊。千官北望心。天寒漢宮闕。翠
蓋憶春臨。

舒子曰似武
皇在宣府時作

內直遇雪

皁皁城雲影。蕭蕭急霰催。遠從仙閣度。輕繞鳳

池迴弄日搖彤管。含風引玉杯。春還今歲早。先報漢宮梅。

舒章曰結有餘景

韓文曰本於初唐而加以逸

春雁西來脂千白。北望小天寒。漸宮殿早

花初背楚澤。雪罷度秦乾。漸起隨春色。高飛犯朔寒。書停江國望。陣倚塞門看。憶爾常南北。無嗟行路難。

舒章曰咏物得遠近之勢

同敬夫遊至華陽谷聞歌妙曲

名邑今重過。終南第一遊。山中白雪倡。天上彩雲流。柳散秦川色。花含杜曲愁。同時霄漢侶。十載臥林丘。

舒章曰明爽多情

卧子曰敬夫固工于曲

韓文曰高麗

九日同陳侍御鳳谷登宴

栢臺驄馬使。蘭谷鳳仙家。暫駐三秦節。來看九

日花風霜高錦樹。雲日麗清沙。去去層霄上。回
瞻北斗斜。

韓文日不煩假
借妙有風律

登樓鳳縣作

近訊中原使。兼登萬里樓。朝廷仍北極。行在且
南州。峽斷風雲隔。江通日月流。如聞乘八駿。早
晚向崑丘。

臥子日時
武皇南巡

馬道驟雷雨復霽

萬壑驚雷起。千峯鳴雨過。稍看風瀨減。更覺夏
雲多。虹飲垂青澗。猿行掛碧蘿。山中無吏事。長
嘯答樵歌。

舒章日夏
景清絕

咸陽原

千秋陵墓地。駐馬惜茲行。晚日登原駁。晴天見
渭城。望春時極目。訪古獨含情。奈有咸陽草。風
吹歲歲生。

韓文日末句悲感自
深然去中晚不遠

益門

益門在秦州中興不遠

益門通漢沔。棧閣上雲霄。蜀道從茲始。秦川望
已遙。生風隣虎穴。廻日過龍標。眇眇征途子。雲
山誰見招。

卧子日實地自佳

武關

章日夏

北轉趨劉垠。西盤出武關。微茫一線路。廻合萬
重山。天地幾龍戰。風雲惟鳥還。關門鎖溪冰。月
夜送潺湲。

舒章日何減廣武之嘆

昭烈廟

漂泊依劉計。間關入蜀身。中原無社稷。亂世有
君臣。峽路元通楚。岷江不向秦。空山一祠宇。寂
寞翠華春。

同郡夏完淳存古氏校

皇明詩選卷之七終

皇明詩選

卷之七

三

皇明詩選卷之八

李雯舒章氏

雲間陳子龍臥子氏同撰

宋徵輿轅文氏

五言律詩

徐禎卿

四見

彭蠡

茫茫彭蠡口。隱隱鄱陽岑。地漏三辰動。江連九派深。揚舫武昌客。興發豫章吟。不見垂綸叟。烟

波空我心。在武昌作

舒章曰
矯秀

在武昌作

洞庭葉未下。瀟湘秋欲生。高齋今夜雨。獨臥武昌城。重以桑梓念。淒其江漢情。不知天外鴈。何事樂南征。

韓文曰

清絕

舒章曰八句
竟不可斷

長陵西望泰陵二首

新宮猶藹藹。白露已蒼蒼。詎識神靈遠。徒悲劔
鳥藏。陰風振大漠。日照渙陽。稽手攀松栢。雲
天灑淚長。

其二

管送宮車出。長悲西雍門。今來寒食節。獨望灞
陵園。杳杳仙城閉。萋萋封樹繁。當時侍從客。慟
哭幾人存。

臥子曰君臣之
情此詩最深

送許補之還丹徒

皇明詩選 卷之八
憐君揮手去。匹馬向南天。旅病青山外。鄉心落日懸。燕關變積雪。淮柳動新烟。驛路重雲裏。相思易隔年。

臥子曰玉
六新挺

駕出南郊退簡邊。喬二太常

齋殿鑾輿下。郊宮鳳野開。霜戈迎日動。芝蓋拂雲來。輦道前旌直。鈞陳翼騎迴。甘泉枚朔侍。詞賦接仙才。

月

故園今夜月。迢遞向人明。只有懸清漢。那知隔鳳城。氣兼風露發。光逼曙烏驚。何事江山外。能催白髮生。

轅文曰如

交梨火棗

送友人還吳

陽月隨陽鴈。遙從塞上來。北人江北望。不見隴頭梅。坐下楊朱嘆。吟爲莊舄哀。聊傳數行札。千里送君回。

邊

貢

再見

皇明詩選 卷之八
三
韓文曰廷實五言律華貴不必言
時出俊語令人百思何李勁對也

贈何子元

飲馬長城窟。秋風隴水鳴。旌旗連朔氣。笳吹咽
邊聲。鹿塞胡霜白。龍沙漢月明。共嗟班定遠。身
是一書生。

送于時宜

行子對新月。臨堂酬且歌。客衣寒未減。鄉夢日
應多。魯甸封春草。淮川渺夕波。芳音托回鴈。迢
遞奈情何。

臥子曰亦從
右丞得來

出郭將訪希準郡伯懼暮而返却寄

駕言江口出。却至水西還。遠道空回首。重門欲
上關。斷雲低白鴈。斜日近青山。欲採瑤華贈。仙
舟不可攀。

韓文曰五六
是右丞佳句

次韻留別張西盤大叅

滿酌豈辭醉。未行先憶君。山城稀見菊。關樹不
開雲。地入河源渺。天連塞日曛。那堪北來鴈。偏

皇明詩選 卷之八
向別時聞。

舒章曰風
景凄然

張秋官元德席上畱別

春日江陵去。烟花萬里途。山川畱故郢。舟楫帶
三吳。樹影湘流轉。猿聲峽月孤。郡樓登望夕。天
北是皇都。

鄂渚

鄂渚維舟楫。登高覽洞庭。地連秋水白。天入暮
山青。望闕瞻星斗。懷人感鶴鶩。漁簫向夕起。嗚

咽不堪聽。

舒章曰江山滿
目一往情深

幽寂

幽寂耽蓬戶。淒涼懷舊吟。鶯啼非故國。草色亂
春心。落日黃雲暮。陰風碧海深。嗷嗷北來鴈。二
月有歸音。

韓文曰三四一聯不過
十字中有無限詩情

臥子曰三
四悲宕

舒章曰結
亦滄渾

戴銑 字寶之婺源人弘治丙辰進士官南給事中以劾劉瑾削籍追贈光祿卿

武城晚眺

野曠蒼烟合。城昏白日斜。羃堤千柳樹。負郭萬人家。小舫明漁火。高樓隱暮笳。寂寥江上立。羈思滿天涯。

王廷相 三見

登臺

古人不可見。還上古時臺。九月悲風發。三江候鴈來。浮雲通百粵。寒日隱蓬萊。逐客音書斷。憑高首重回。

臥子曰亮發有聲

夔州

獨舸東川客。千峯白帝秋。山開巫峽險。江入洞庭流。覽跡悲前代。掄文愜壯游。中原無躍馬。耕鑿徧夔州。

舒章曰結深得杜意

杭淮

號雙谿宜興人弘治己未進士官至副都御史

送徐石東僉憲湖南分題得瀟湘

瀟湘他日夢。今上合江亭。天濶浮吳楚。山青入
洞庭。鷓鴣春渺渺。斑竹雨冥冥。舟楫雲中見。依
稀帝子靈。

韓文曰雙谿亦有詩名
而用筆甚拙此稍穩秀

朱應登

字升之寶應人洪治
已未進士官至參政

繇金州舟行至洵陽

林出山阿迴。舟沂淥波廣。烟交遠樹飛。嶂隱
懸蘿。地域經秦少。江流入楚多。青樓臨廣道。已
聽大隄歌。

臥子曰升之有詩
名而合作殊少

鄭善夫

字繼之莆陽人弘治乙
丑進士官南吏部郎中

臥子曰繼之雅質
故鋪叙之言獨長

轅文曰繼之朴
直志存忠愛

東顧華玉

管在過逢日。天台山雪生。何期臨易水。惆悵赤
霞城。杯動青春色。琴含滄海聲。終焉謝朱紱。攜
手石梁行。

西山雜詩

皇明詩選 卷之八
簪日西湖釣。宣皇游幸來。至今鮫室裡。彷彿
錦雲開。歲月芙蓉殿。關山龍虎臺。東巡志更遠。
誰挽八鸞回。

明妃曲

明妃初出塞。宛轉意何窮。馬上琵琶曲。流悲入
漢宮。自言妾薄命。萬里去和戎。今日蘼蕪草。青
青向壠中。

臥子曰

古質

舒章曰太白五

言多有此體

秋晚直南省

清夜何曾夢。鴉啼深樹間。胡同漢月。陵寢在
燕山。青草乘時長。黃旂何日還。因風候邊使。咫
尺見天顏。

轅文曰時武皇在宣

大結句屬意有體

孟洋

再見

登岳陽樓

此地昔曾過。危樓今始攀。日銜天際樹。雲動水
中山。津驛趨三楚。江關控八蠻。亂帆何處去。風

浪未知還

毛侍御汝厲按湖南道出嘉魚賦別

黃鶴游仙地青驄漢使過雲開衡嶽色春入洞庭波陵谷招秦隱江湖續楚歌平生經濟術今日定如何

臥子曰

穩雅

陸

深再見

臥子曰于淵五言律多輕淺之調故僅取二章

鄱陽湖

家居滄海曲觀水入雲天斜日番君廟西風鄂子船草封高岸沒波合斷山連起擊中流楫秋光滿大川

假寐

假寐依洄洑篝燈伴水雲晚潮隨月上歸鴈帶霜聞地古三江合星移五夜分冥行吾豈敢露宿畏離羣

轉文曰亦近中晚

取其後半稍振耳

薛蕙三見

九日同何仲默出郊

九日登高會。同人載酒來。寒城一以眺。秋色正堪哀。零雨晨初霽。浮雲午未開。南飛有鴻鴈。為爾立徘徊。

駕幸南海子

詔幸芙蓉苑。傳言羽獵行。三驅陪上將。四校出神兵。列戟圍熊館。分弓射虎城。風雲日暮起。偏遠漢宮營。

臥子曰壯麗

結更深穩

送毛敬父之廬州

北峽吞淮口。東陵控海隅。霍山分岳鎮。肥水混濡須。從事之官遠。觀風問俗殊。廬江多小吏。應候府中趨。

六月八日西關遇雨

窈窕西清內。參差水殿連。歸雲同平樂。飛雨集甘泉。明月裁班女。迴風唱麗娟。龍池初望幸。來往木蘭船。

轅文曰結

意翩翩

王明叔東谷卷

谷斷懸山閣。崖通度石橋。日蒸滄海氣。霞動赤城標。雪重花先映。霜嚴葉後凋。空題招隱曲。悵望隔雲霄。

長安道

神州應東井。天府擅西秦。雙闕南山下。千門渭水濱。公卿畏主父。賓客慕平津。方朔何為者。虛稱避世人。

韓文曰

初唐

舒章曰結

亦寄傲

王廷陳 三見

駕幸南海子

南郊初禮帝。上苑復誇游。虎兕先聲伏。車徒翼輦趨。網羅張一面。部曲用五驍。侍從羣臣在。應知諫獵無。

舒章曰 典嚴

李沔陽自大梁經徐州出

雪夜梁王宴。霜秋宋玉愁。回瞻山阿嶂。去逐楚

皇明詩選 卷之八
江流少室三花樹。滄浪一葉身。行止搖落知。
爾憶林丘。大梁...

寄顏惟喬

聞子幽棲處。絕無人世喧。琴瑟一不弄。粟鼠鷄犬似。
桃源雲影晝垂席。溪流春到口。沙汀早晚至。白首去丘園。

轅文曰極似右丞但稍薄耳

江上言懷

岸東濤聲急。軒凝野色重。山懸神女雨。江進楚王風。舟楫爭先涉。村墟急暮春。平生壯遊興。潦倒對魚龍。

開筆

花月可憐春。房櫳映玉。思繁纖指亂。愁劇翠蛾顰。授色歌頻變。留宿態轉新。曲終仍自叙。家世本西秦。

舒章曰宋玉東鄰之語太無

俚賴不若此結之奇體分

爾比之十五王。未知婦也。
蔣山卿 字子雲儀真人正德
甲戌進士官至參政

春夜何參戎見過

蒼梧春欲暮。旅况復何如。上客煩談。中厨具
鯉魚。流雲城樹暗。過雨。休言數。高
談賴起余。

臥子曰亦
麤有致

陳

沂

字魯南。靳縣人。正德丁丑進士。累官。侍讀學士。

經牛頭山寺

落日牛頭寺。攀緣嶺七盤。鳥聲林葉暗。山影石
溪寒。清梵空中聽。丹樓畫裡看。到門僧不見。松

檜滿秋壇。

奇章曰結
亦幽遠

龍舟塢

帝舸頻催發。初開水殿時。蒼龍出海國。紫鳳浴
天池。奪錦星橋斷。穿楊月樹披。於今芳塢閉。聞
自內家知。

唐 龍

字虞佐。蘭溪人。正德戊辰進士。嘉靖中。歷官吏部尚書。贈少保。謚文襄。所著有漁石集。

臥子曰漁石五言本之少陵。已涉藩籬。漸窺堂奧。

韓文曰漁石五言

近體極能氣象

舒章曰漁石五言律詩刁斗精明風零

狎競足為名家元美以為苦行頭陀終

少玄解未

褒城

地勢雄臨漢。風聲遠接巴。霧深城市隱。日炤谷
門斜。鳥道懸青壁。龍江走黑沙。未觀諸葛壘。先

問子真家。

臥子曰

壯潤

龍渠春水次平田韻

白雨千巖落。春渠百尺深。漲前魚橋直。波外草

堂陰。荇葉藏家鶴。楊花逐渚禽。扁舟遲未去。空

抱水雲心。

舒章曰起

有深景

子午嶺

嶺名分子午。天險限西東。劍閣千人廢。吳山一

箭雄。雲封關樹黑。日出塞門紅。遠道悲遊子。驅

車背朔風。

鞏昌

皇明詩選 卷之八
關塞遠仍到音書靜不聞。山高八月雪木落萬川雲。藥裹秋隨病松燈夜較文賢勞猶自愧未敢數辛勤。

轅文曰三四風

土語自高秀

舒章曰結

亦朴雅

成縣

太守傳經地。檐輿厲月行。栗亭秋雨歇。魚峽夜川明。竹外雙旌出。沙邊一吏迎。荒臺迷絳帳。失學愧諸生。

舒章曰秀

拔有真景

伏羌

木脫羌山出。雲寒羌水清。干戈經百戰。燈火聚孤城。雪岸蒹葭色。風營鼓角聲。將軍功伐在。馬革快平生。

臥子曰意

態高縱

臨洮

荒郡人烟少。頻年胡騎多。風雲屯積疊。雨雪漲黃河。何處來天馬。誰人制駱駝。紛紜增感慨。此

後更如何。

韓文曰
老境

戴

冠 字仲鸞信陽人正德戊辰進士何大復弟子也

辛巳七月一日登樓

落日蒼梧遠孤臣獨倚樓雲山空
泗淚江海豈容愁屬國歸無日文園病未休不
堪南極外風

送九天秋。

韓文曰仲鸞亦未升大復之堂

韓邦靖

字汝慶朝邑人年十四舉于鄉正德戊辰進士官至參議

舒章曰汝慶襟情崖岸不墮風流

中秋同何大復望月

令節他鄉酒關山獨夜情看花秋露下望月海
雲生碧漢通槎近朱樓隔水明南飛有鴻鴈作
意向人鳴。

舒章曰
雅暢

送謝屯部之湖廣 二首

謝子同官久春深獨遠行山花孤
草綠江草旅愁生桂嶺通巴國岷江接漢城登
舟雲日暮何

處是神京。

臥子曰結
構清玄

其二

念汝辭京國。何時到漢州。山川富
勝。使者足風流。地入龐公宅。江深謝眺樓。懸
其峴山留。多惠愛好。

轅文曰此
首尤穩當

寄楊侍御師文年兄

逐客地雖僻。故人情不疎。已勞千里駕。復覩數
行書。別思梅花後。春風蕙草初。江亭一杯酒。何
日共相如。

轅文曰情事俱
真筆致殊秀

雲中九月八日同張子登高

佳節明朝是。邊寒花未開。愁心看極塞。鄉思上
高臺。對酒清笳發。當歌白鴈來。天涯難會面。風
雨復相催。

臥子曰
精傲

楊慎三見

十二月朔旦南郊扈從省牲

天仗雲門外。宵衣曉漏前。蒼龍旂影動。朱鷺鼓聲傳。星爛甘泉燭。霜清泰畤烟。南郊新警蹕。重觀孝皇年。

常倫再見

和王玉溪過韓信嶺

漢代推靈武。將軍第一人。禍奇緣躡足。功大不容身。帶礪山河在。丹青祠廟新。長陵一杯土。寂寞亦三秦。

亦快意

韓文曰元美錄此詩於扈言中其見賞心要以與切為貴耳

夏言 字公謹 貴溪人 正德丁丑進士 嘉靖中 繇行人 累官 華蓋殿大學士 上柱

後棄市

扈駕承天謁 陵

馳道回雕輦。行宮列羽林。青山留王氣。白日散春陰。一代朝陵典。千官絕跡心。撫非詞賦手。虛沐聖恩深。

臥子日三四佳

巖 嵩 字惟中分宜人正德中進士嘉靖中累官大學士師致仕尋以子世蕃

事削奪并籍家寄金

臥子曰巖相氣清峭應編諸篇

頗為雅贍特束請券自祭之致耳

舒章曰介溪之

更供奉官其以 登憑虛山殿在永新殿之南巖洞甚奇

峯殿鬱岩堯登臨近九一青曙霞籠闕迥殘月帶

城遙翔鳳金為閣飛虹玉作橋乘輿罷遊幸花

色為誰饒。

孟夏初夕侍上登苑中閣

帝苑開金閣仙臺駐玉鑿山隣飛鳳島路接會

真壇眺迥星辰滿憑高氣色寒叨隨六龍御真

在五雲端。

黃佐 再見

彌羅閣秋望一首與馬子仲房

羽觀臨霄漢。巖臺出薜蘿。霞觴延客久。琪樹受

涼多。日色隱平楚。秋聲連大河。君看愜幽意。吾

醉即狂歌。

轅文巨氣 象俱足

敖英 字子發清江人正德辛巳進士官至左布政

塞上曲

無定河邊水。寒聲走白沙。受降城上月。暮色隱悲笳。玉帳旄頭落。金微鴈陣斜。幾時征戰息。壯士盡還家。

舒章正逢

對流宕

轅文曰氣

格本太白

孫繼芳 號石磯華客人正德時進士所著有東山集

送徐太史使遼府

重天王使。情親帝子家。雲霄三殿詔。波浪九江槎。庾亮樓前月。湘妃廟口花。金尊高宴畢。須擬吊長沙。

江暉 字景暉正德中以翰林修撰為按察使所著有萱爰集

中秋望月

九霄澄顥氣。萬里淡清輝。鴈影金波動。烏攀寶樹飛。拭盤延露醕。開鏡炫星衣。叢桂南山迥。王孫尚不歸。

臥子曰景賜好怪
此亦六朝之遺

孫一元 字太初不知何許人正嘉中以詩自見時人咸以為奇士有集行世

臥子曰山人詭跡塵外清放自居故有俊調而鮮深思終近淺俗
轅文曰太初奇士詩頗率意而元美許為奇拔將無論其世耶

晚霽

晚來雨初霽。煙火隔林微。一徑牛羊入。孤村桑柘稀。長天干遠水。積霧帶晶扉。月黑聞人語。溪

南種樹歸。

蘭

落日天風動。空山蘭葉芳。瀟瀟湘水濶。冉冉楚

雲長。獨抱幽人操。空懷王者香。隔江費褰采。歲

暮永相望。

舒章曰

自喻

徐階 字子升華亭人嘉靖癸未賜進士

第三入累官大學士少師謚文貞
轅文曰文貞伏膺元美屈

位不獲精思其才尚未展也
臥子曰徐公濟世之上其詩不專臺閣

舒章曰少師不以詩名然其合處亦不僻俗

賀知章故宅

汶水孤帆遠任城。四望開風流。賀監宅寥落。謫
仙孟樹色含秋冷。泉聲帶雨回。金龜復何在。慷
慨有餘哀。

送顧起居甥壻之京

病中愁送客。况復是殘年。兩雪三更夢。江湖萬
里船。天垂龍塞沒。星接鳳城懸。到及燕山路。應
書數字傳。

胡纘宗

字孝思。天木人。嘉靖時
官巡撫。右副都御史。

登天柱閣

與客上江樓。橫江山欲浮。雲當天在出。月傍小
孤流。帆外收吳楚。尊前落斗牛。瀾漫忽千里。倚
檻思悠悠。

臥子曰氣

象是作家

張時徹

三見

城南閭將軍宅。同萬民望署。凶訪楊惟

仁分韻

江苑蕪苕夕。春風玉漏長。異鄉今日會。明月故
人觴。甸樹圍山郭。溪雲帶草堂。明初與君別。兩

地莫相忘

倚草日序
情殊到

辰陽道中

初日映扶桑。驅車上壟長。雲中行劔戟。谷口散牛羊。桂樹誰相贈。風塵祗自傷。羊腸隨處是。嘿嘿媿王陽。

新秋詠懷

芳杜秋風冷。蘭舟剡水遲。美人在阿許。遠道本難期。皓月臨瓊榭。青樓出鳳吹。曲中有深怨。不

奈如蛾眉

臥子曰河
其秀楚

薛家樓會燕

秋盡黃花落。風高白鴈來。波浮銀漢動。山抱石城迴。天上星辰會。人間錦繡才。相看華燭夜。何處是蓬萊。

轅文曰氣
老調高

白鹿洞

平臺開絕壁。西望五峯高。暝樹棲山燕。春苔繡

石。臯。魚。遊。吹。淺。浪。龍。臥。起。驚。濤。莫。學。任。公。子。垂
綸。釣。巨。鰲。

臥子曰
深秀

飛來峯

疊石圍青壁。澄湖映赤城。峯迴雲盡入。洞轉日
初明。窈窕丹丘秘。逍遙玉女行。山中有真隱。長
坐說無生。

舒章曰
結老

長安道

騶動開長樂。鸞鳴遶建章。龍媒馳道出。鳳吹彩
旌揚。繡陌生朱霧。銅溝映綠楊。渭橋春水漲。日
日汎鴛鴦。

臥子曰結
句新蔚

高叔嗣

再見

寓居慈仁寺游覽

終日仙宮掩。青松繞殿遮。到來長春草。行坐落
天花。閣上王城盡。門前官路斜。微身隨處是何
敢嘆無家。

舒章曰頗
傷行役

轅文曰摩詰
佳處如此

賦得嶧山碑送李東升明府

秦皇千載後。嶧嶺尚遺碑。斷石青山路。孤城滄海濱。蕭條餘霸氣。磨滅想雄辭。君到鳴琴暇。應多弔古思。

轅文曰
自雅

雨後有懷子延

驟雨新秋晚。微晴墟落間。悠然抱藜杖。率爾倚

柴關。空壑纔容水流雲。故滿山。遙知城市裏。應

羨此身閒。

臥子曰
是右丞

送別蕭司勳

柴門夜語罷。惆悵出前林。曉日孤村映。秋風落木深。別來生白髮。歸去換愁心。還復茅簷下。朝朝鳥雀吟。

轅文曰中有自
然處不可及

西園再酬谷子延

茅屋還相見。冬郊那可聞。荒城連凍浦。落照與寒雲。遠樹行時倚。歸途到處分。留君終日語。猶自日思君。

寒食定興雪中

二月鶯花少。千家雨雪霏。可憐值寒食。猶未換春衣。積水生空霧。高城背落暉。忍看楊柳色。從此去王畿。

臥子曰實境高秀

平定城東西交口用壁間韻

敢言觸熱倦。悅此午陰長。蘭氣清林薄。蒲風散野塘。高陵堪下馬。恠石欲成羊。可念征途侶。題詩徧驛堂。

晚趨忻口

雲峯聊極目。立馬獨愁心。豈直關山遠。其如雨。雪深笳聲先。入夜邊氣迥。生陰疇管長。征意蹉跎力不禁。

沁州張源鋪

去國三年意。還家此日心。天寒客路永。日暮衆

皇明詩選 卷之八
山深沙塞人偏老。風霜馬不禁。如何更萬里投。跡楚江陰。

舒章曰楚聲獨絕

連山望不極。况復楚雲長。萬樹含春色。孤村帶夕陽。解鞍當古戍。投袂及空堂。去國日方遠。懷君意敢忘。

廣視堂作
茲堂攬峯首。伏檻卽江流。夕日川新漲。空天雨半收。城鄰龍伯國。宅並羽人丘。臨眺非無樂。客心還自愁。

分水嶺晚行

客興日無奈。兵荒歲屢加。少年曾許國。多難更移家。遠水通春騎。孤城起暮笳。憑高一回首。何處是京華。

韓文曰此作似有意擬杜

華 察 再見

過堠陽山居

皇明詩選 卷之八
林泉愜嘉遁。乘興訪幽踪。野曠餘寒照。山深多亂峯。潭煙生暮色。木木澹秋容。不是桃源地。虛疑物外逢。

蘇祐 再見

河東道中

蒲坂水仍抱。首陽山故連。重華不可見。孤竹轉堪憐。暖色薰楊柳。春聲換杜鵑。河流日滾滾。萬丈禹門前。

臥子曰第六句巧而薄

韓文曰結老

渡鄱湖

氣薄衡廬潤。波涵翼軫搖。三江同貢賦。九派異風潮。似接秦皇島。應連漢武橋。石華如可拾。乘月坐吹簫。

舒章曰三四聯典切結有佳興

昭聖皇太后輓章 二首

臥子曰二詩隱而不阿直而有體

韓文曰孝宗張皇后在世廟時稱昭聖皇太后及其崩也詩人之言

此如

慈極空遺誥。仙輦去不還。千官臨內殿。萬姓哭深山。雉扇秋新掩。龍髯歲久攀。併將江上淚。霑洒泰陵間。

其二

先帝留弓劍。千秋傷若何。竟違西內養。還葬北山阿。玉殿涵霜露。玄宮裊薜蘿。兩朝侍臣在。哭向白雲多。

曉行

戒曉雙旌發。雞聲動塞城。貝裝方結束。劍氣早縱橫。霜雜輕塵滿。烟浮遠樹平。寄言游俠者。不是少年行。

舒章曰舜澤五言律健處極似達夫

巡關雜詠

靈曜西飛急。昔賢安在哉。水環燕社去。山對趙宮開。白玉增新市。黃金圯舊臺。悲歌問遺俗。頗牧倘歸來。

韓文曰 合作

中秋簡謝陳曾二部使

把酒高臺上。青天片月流。予行還幾日。相對復
中秋。風笛催羌管。霜砧滿塞州。征人方苦戰。莫
照黑山頭。

臥子曰
老境

贈送黃翠巖出塞

春草寒猶短。霜旌遠勞軍。行瞻秦塹雪。佇戀晉
祠雲。能事須兼武。雄圖雅屬文。饒歌新入調。候
騎日相聞。

雅暢

屠應垓 再見

送陳約之謁祀 孝陵

萬歲橋山路。三春草木青。乾坤黃鉞在。風雨翠
華扃。北極通羣帝。中天覲百靈。當時貔虎佐。一
一扈青冥。

送同年謝子儒致仕歸

子真棲谷口。潘岳賦閒居。長揖辭明主。為農返
故廬。雪消巴嶺出。天入錦江虛。莫待揚雄老。玄

皇明詩選 卷之八
亭早著書。

韓文曰有情有景句適流麗

舒章曰虛字下韻極穩

送唐生

仗策欲誰親。侯門不重賓。空彈馮氏鋏。莫濟范
睢貧。玉露凋紅樹。金風起白蘋。蕭蕭南去鴈。飄
泊自為鄰。

舒章曰玉露二語秋景極麗

王

格字汝化京山人嘉靖丙戌進士蘇庶吉士官至僉事

驪山溫泉

咸闕無雕輦。驪山尚浴泉。湯池同野壑。水殿祗
塞烟。月冷新豐路。沙沉渭浦田。行人謾投足。誰
識濯龍年。

舒章曰結句婉雅

邊客

六郡良家子。三年大漠行。捐軀思報主。辭賞不
邀名。白草霜連劍。黃沙雪作城。秋來南鴈度。莫
寄玉關情。

轅文曰黃

沙句警切

黃省曾

再見

大司馬喬公觴余清涼寺

虎士行芳饌。虛亭倒玉壺。殷勤司馬意。登覽縱
潛夫。二月青雲落三山。白日孤遙看春草。色醉
殺莫愁湖。

舒章日意

氣點蕩

唐順之

再見

送王舍人往崑山為顧相公營墓

明主敦耆老。藏山借寵恩。使臣出左掖。秘器給
東園。舊路吳中樹。新碑海上原。半津衆賓客。試
問幾人存。

送李文與赴河南郡倅任

去謁河南尹。期收幕下勳。地當分陝處。官是古
參軍。閒就繁臺宴。晴瞻嵩岳雲。諸公誰不愛。喜
怒定隨君。

以子曰

筆自縱

沈愷

字舜臣華亭人嘉靖己丑進士官至參政以直聞于時

秋日野興

漸遠風塵迹。殊深湖海心。涼颺疎古木。流水散幽琴。鴈落浮寒影。鳥棲下夕陰。姓名人情少。應合謝朝簪。

轅文曰調

穩境切

朱

衡字士南萬安人嘉靖壬辰進士累官工部尚書

送別莊后峯

野霽澄輝合。江清爽氣浮。離亭初送客。高樹獨含秋。露葉垂青葢。風枝控紫騮。不堪明月色。獨

上五雲洲

臥子曰尚書此

詩穩實當家

句章曰五言

亦是駿駿

王廷幹

字維慎涇縣人嘉靖壬辰進士官至知府

天壽山行宮

天旆三春發。離宮四月開。觀河懷禹跡。問野見周才。日氣生高嶺。雲陰拂翠臺。太平叨扈從。文雅愧鄒枚。

藝文曰日氣

聯近右丞

舒章日結

其渾雅

皇甫湜 三見

訪中麓子不遇

君行使汶上。言訪慰將辭。瓊樹何由覩。空林不
可期。芙蓉臨水淨。鴻鴈度雲遲。立馬看秋色。離
羣日暮悲。

曠文日

整密

晚春對雨奉酬伯兄懷山之作

山扉朝自啓。幽色在煙林。惆望滄江隔。江城春

雨深。雲天虛一室。花竹澹盈襟。竟日違芳躅。清

風勞永吟。

十六夜月

待月坐江水。月明江正流。長吟惜佳景。高興在
南樓。魯酒碧山醉。胡床清桂留。有情望今古。寂
寞漢宮秋。

酬子循宿祖堂寄懷

聞君懷獨往。清夜宿松岑。天闕星河近。雲門花
露深。山鐘遙客夢。池草結遺心。空念澄江月。悽

然懸舊林

蒙文曰三四高秀第六句使事入化

出塞曲

昨夜羽書驚。追徵六郡兵。龍車臨廣武。虎士會平城。苦戰胡雲落。長驅漢月明。惟應霍驃騎。萬古共雄名。

雨雪曲

邊雪舞空來。紛紜像落梅。愁雲凝虎帳。斜日隱龍堆。色亂瑯戈慘。聲沉畫角哀。直言銀磧度。詎

恨玉門回。

臥子曰六朝遺響

有懷喬白巖司馬

風肅園陵樹。霜天戰角悲。後湖衰草色。空對漢官儀。辛苦趨朝日。羈危扈聖時。江都十萬舸。老淚不禁垂。

臥子曰敘實事甚能典雅

寄謝司直

魏闕懸秋望。龍樓在九霄。秋。近。沙。塞。月。夢。隔。海。

皇明詩選 卷之八
門潮江帶千楓落。霜含一鴈。似溝分手處。垂柳日蕭蕭。

轅文日情景點

綴居然作家

皇甫汈

再見

諸君乘月攜酒見過。羅山。人不至。

芳樹長安道。春霄動旅愁。一尊良讌會。四海盡交遊。玉漏寒頻度。金河淨不流。清輝憐謝監。何事隔南樓。

秋日

關山迴素節。水月湛清虛。暑氣銷蘭酌。涼颼襲桂裾。露疑仙掌後。葉似洞庭初。願得逢南鴈。他鄉一寓書。

皇甫濂

再見

游玉泉山寺七真諸洞

高閣重巖合。層臺雙嶺幽。風殘芝洞日。雲落磻泉秋。貝葉看深誦。金沙歷曉遊。七真懷秘躅。彷彿在山丘。

崔澂

字淵甫。吳江人。嘉靖時人。見詩統。

春日懷歸

一春看又晚。歸計定何年。落日低秦樹。青山隔渭川。鶯花迷故國。城郭起秋烟。獨上高臺望。浮雲白可憐。

韓文曰。調穩氣足。

五言律之及格者。

舒章曰。下語磊落。

足稱五言長城。

王維楨 再見

孝烈皇后挽歌

範內留芳訓。扶天有駿功。仙遊知跨鳳。聖念

為當熊。玉珮虛無裏。蒼雲悵望中。宜春花。炤眼淚。灑舊時叢。

臥子曰。當熊句似指曹妃宮嫗之變。

楊時秀 名榮。以字行。餘姚人。嘉靖中官工部主事。

江西旅懷

客夢家千里。鄉心柳萬條。片雲遮海嶠。一雨送江潮。戀闕綈袍在。懷人尺素遙。春光看又晚。何處灞陵橋。

舒章曰。音節不靡。

袁 焯 字懋中 慈溪人 嘉靖戊戌進士 累官內閣大學士 謚文榮

初夏宴崔太常道院

出廊尋玄圃。黃鸝懷好音。壇羣木秀。清磬碧雲深。綠酒傾燕市。微風動越吟。歸來踏明月。萬宇漏沉沉。

舒章曰三四

語自深麗

茅 坤 字順甫 歸安人 嘉靖戊戌進士官至副使

旅夜聞鴈

水雪孤城上。堪憐旅鴈飛。由來江海性。豈羨稻

梁肥。寒吹傳哀響。明河濕羽衣。故鄉五湖曲。歲

暮共言歸

臥子曰四 五新峭

馮惟訥 字汝行 嘉靖戊戌進士 累官光祿寺卿

聞警

八月塞門開。單于獵鴈回。五原秋草盡。萬騎羽

書來。秦隴瘡痍後。疆場戰伐餘。黃雲遠處所。羌

笛暮生哀

出榆關逢徵兵使人作

皇明詩選 卷之八
聞道雲中將。先秋戒鐵衣。虎符千里至。龍騎五
營歸。夜月明雕戟。山風曳畫旗。詩書海外雜。
虜駐金微

轅文曰此公邊奉
之作清切可誦

胡侍陝西人嘉靖
士官監察御史進

九月同陳魯南文徵仲翰林劉希尹薛君
采二吏部登海印寺鏡光閣

湖景澄珠閣。雲虹度石梁。行攀雙樹杪。坐對九
華觴。水抱香城入。山橫紫禁長。憑高不厭晚。待

月詠胡床

舒章曰清
舉不薄

余文獻字伯初九江人
嘉靖中進士

送聶子靜南還

十年纔返國。何事復南歸。歲小冰霜晚。江湖鴻
鴈稀。青山還舊業。落日上新衣。去在乾坤裏。無
嗟與世違

臥于日
澄淡

李先芳字伯承濮州人嘉
靖丁未進士官至尚書
司卿

臥于伯承為七子
先驅而其後不稱

鄱陽湖

吳城臨古渡。湖水接天開。
一夜南風起。扁舟萬里迴。
波漂星子縣。雲沒大孤臺。
却望蒼茫裏。匡廬秋色來。

王崇古

字學甫。蒲州人。嘉靖辛丑進士。累官兵部尚書。

庚戌九月將赴金陵夜泊廬陽。隱亭聞虜

犯近郊識感

江上初收雨。嚴霜已渡河。
漢兵聞出塞。胡騎竟

如何。鴈陣凌秋盡。笳聲入暮多。
武陵遺曲在。慷慨不成歌。

韓文曰。司馬江上

一篇殊有格調

舒章曰。意色開整

殊有緩帶之風

四見

李攀龍

臥子曰。于鱗五言律。其精工。雄渾。一字不苟。前人所謂難也。韓文曰。五言律。純以法勝。故無懈可擊。

元夜

公子聯鑣語。佳人把袂歡。
星橋雲外出。火樹雪

中看。夜色開清禁。春醕許從官。仍聞祠太乙。達曙禮仙壇。

登省中樓

蕭瑟賦悲哉。西山爽氣開。白雲海色斷。落日秋陰來。砧高長樂苑。鴈下華陽臺。如何此時望。客思轉難裁。

舒章曰。七子好用上。仄韻。往往入粗。此處却渾。

朝陵夜作

上陵無不美。秋杪更宜看。風雨朝佳氣。旌旗擁

漢官。星流千嶂。迥月出萬松。寒倚馬。清鐘外新

霜。滿玉鞍。

臥子曰。結清湛逼人。

白雲樓

諸郎難得意。非是敢沈冥。拙宦無同病。清時有獨醒。千家寒雨白。雙闕曉煙青。又值高樓鴈。寥寥不可聽。

章行人使潞落

使者持符下。風塵吹馭前。諸侯城赤狄。列嶂黨

青天卒。麥祈年時。芙蓉避暑筵。相逢多愛客。其賦遠遊篇。

聞砧

永夜。虛家婦。深閨坐。目傷。拭砧散明月。投杵上清霜。別恨繁。鴛綺哀。首急。鴈行。同袍征戰。盡刀尺。斷人腸。

韓文曰高秀

結亦悲渾

送張比部募兵秦晉諸郡

天威嚴滅虜。使者出秋官。白羽徵兵入。止

士譁。風雲千騎動。雨雪二陵寒。無易行間客。能登漢將壇。

送沈郎中守順慶

見說寒帷處。千山擁使君。嘉陵渡春水。棧道轉秋雲。郡下平蠻檄。家傳論蜀文。病餘饒臥理。能不憶離羣。

張山人

吾鄉張仲蔚。未是蓬蒿人。伏臘東籬下。漁樵北海濱。官家還賦役。客路且風塵。織妾齊紈素。開

筵嬌上春。

郊行

稍似武陵溪。人家綠樹迷。桔槔茅屋上。荷蓀薊

門西。清吹生衣袂。繁陰散馬蹄。紅塵纔只尺。城

郭意多睽。

似右丞

登黃榆馬陵諸山是太行絕頂處

黃榆高不極。臨眺亦奇哉。河勢中原拆。山形上

黨來。白雲橫塞斷。寒峽倚天開。搖落清秋色。多

慙作賦才

其二

不盡寒雲外。青峯落照多。秋陰生大鹵。木葉下

淖沱。巨壑藏風雨。飛梁挂薜蘿。重關三輔地。躍

馬意如何。

韓文曰

高渾

其三

秋色自冥冥。風煙接井陘。關門開落日。山路出

寒星。太守方乘障。清時敢勒銘。杉松迴朔氣。哀

壑未堪聽

答明卿病後見寄

薊門搖落後。楚客病如何。秋色高金掌。西風滿玉珂。開樽鴻雁至。染翰五雲過。應憶山陽會。疎狂阮籍多。

寄元美

漁陽春欲盡。漢使未堪愁。邊郡多豪俠。風塵一壯遊。浮雲寒大漠。白日澹幽州。莫更觀遼海。蕭條正北流。

韓文曰氣色涼壯

黃河

復就三秦役。還為四牡歌。北風揚片席。大雪渡黃河。才豈諸郎少。名非一郡多。儒官明主意。吾道好蹉跎。

韓文曰臥子為余稱大雪渡黃河句誦之神壯
舒章曰自有情事寫得深老

涇州

迴磴層雲上。孤城返照間。人煙趨白阪。駢駟走

皇明詩選 卷之八
馬出蕭關。青山芻粟浮涇下。旌旗度隴還。時看乘鄣吏車。

韓文曰 該切

五日和許傅湖亭讌集

城頭片雨懸。客醉惜湖邊。酒冷榴花妒。人堪桂樹憐。五絲還令節。雙鬢托流年。莫蹋王孫草。淮南賦已傳。

臥子日節序 詩殊有情致

寄華從龍比以魚橋見致

多少人間事。誰能便作書。罷官君更早。謝客我何疎。八月來吳橘。三江下楚魚。因風裁數字。一問子雲廬。

韓文曰前半完 詩後半有法 舒章曰起語 閒老有法

龍集寺

雙林窺壑險。一徑入雲愁。峯落青蓮色。燈懸白。日幽。香臺高枕出。澗水閉門流。聞道羣龍集。明珠自可求。

韓文日物
色妍澹

同郡夏完淳存古氏藝

問子江漢

同郡人日來與前三耳丁焚魚四風澹澹字一

多小月半...



